


შპს „საქართველოს აეროპორტების გაერთიანება“



გამარტივებული ელექტრონული ტენდერის დოკუმენტაცია

ბარათის საბეჭდი პრინტერისთვის რიბონების - CPV-30192113
სახელმწიფო შესყიდვის შესახებ

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 12¹ მუხლის, „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 07 აპრილის №9 ბრძანების საფუძველზე

ქ. თბილისი
2016 წელი

სარჩევი

- ტექნიკური დოკუმენტაცია
- სახელმწიფო შესყიდვის შესახებ ხელშეკრულების პროექტი
- დანართი N1 რეკვიზიტები
- დანართი N2 ფასების ცხრილი.

სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების შესაბამისად.

1. ტექნიკური დოკუმენტაცია

1. პრეტენდენტის მიერ სისტემაში უნდა აიტვირთოს შემდეგი სახის დოკუმენტები:

- 1.1. პრეტენდენტის რეკვიზიტები - დანართი №1 -ის მოთხოვნათა გათვალისწინებით;
- 1.2. სატენდერო წინადადების ფასი (სატენდერო წინადადების ფასი უნდა მოიცავდეს საქონლის შემსყიდველის მისამართზე მიწოდებასთან დაკავშირებულ ყველა ხარჯს დღგ-ს გარეშე) დანართი N2-ის მიხედვით;
- 1.3. მწარმოებლისგან ავტორიზაციის შესახებ ინფორმაცია (MAF) ქართულ ენაზე ნათარგმნი და ნოტარიულად დამოწმებული.

2. ანგარიშსწორების პირობები:

- 2.1. სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით (დღგ-ს გარეშე).
- 2.2 ანგარიშსწორება მოხდება უნაღდო ანგარიშსწორებით ლარში, სათანადო დოკუმენტაციის წარმოდგენის შემდგომ.
- 2.3 წინასწარი ანგარიშსწორება (ავანსი) არ გამოიყენება.

3. საქონლის მიწოდების ვადები და პირობები:

- 3.1. შესყიდვის ობიექტის მიწოდება უნდა განხორციელდეს ხელშეკრულების გაფორმებიდან 10 (ათი) სამუშაო დღის ვადაში. მიწოდების ადგილი: ქ. თბილისი, აეროპორტის დასახლება, შპს „საქართველოს აეროპორტების გაერთიანების“ ადმინისტრაციული შენობა.

4. ინფორმაცია ტენდერში მონაწილეთათვის:

- 4.1. პრეტენდენტის მიერ წარდგენილი წინადადება ძალაშია სახელმწიფო შესყიდვების სააგენტოს თავმჯდომარის 2011 წლის 07 აპრილის N9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „ჟ“, „რ“ ან „ტ“ ქვეპუნქტებით გათვალისწინებული ეტაპის დადგომამდე.
- 4.2. ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნას ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს საქართველოს კანონმდებლობით დადგენილი წესით შესრულებული თარგმანი ქართულ ენაზე.
- 4.3. სახელმწიფო შესყიდვების ერთიან ელექტრონულ სისტემაში ატვირთული დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.
- 4.4. პრეტენდენტს არა აქვს უფლება წარმოადგინოს ალტერნატიული სატენდერო წინადადება.
- 4.5. სატენდერო წინადადებაში საერთო და ერთეულის ფასი გამოსახულ უნდა იყოს ყველა ხარჯის გათვალისწინებით, როგორცაა: ტრანსპორტირების ხარჯები და საქართველოს კანონმდებლობით დადგენილი გადასახადები, თუ მოსაკრებლები (დღგ-ს გარეშე).
- 4.6. სატენდერო წინადადების საერთო და თითოეული ერთეულის ფასის წარმოდგენა დასაშვებია მხოლოდ ეროვნულ ვალუტაში - ლარი.

5. ფასწარმოქმნის ადეკვატურობა

- 5.1. იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალი იქნება შესყიდვის ობიექტის სავარაუდო ღირებულებაზე, პრეტენდენტს მოეთხოვება ფასწარმოქმნის ადეკვატურობის დასაბუთება. ფასწარმოქმნის ადეკვატურობის დასაბუთება უნდა მოხდეს ექსპერტიზის დასკვნით, შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით, ანგარიშგაქტურით (ინვოისით), რომელიც ადასტურებს პრეტენდენტის მიერ დაფიქსირებულ ფასად

ხელშეკრულებით ნაკისრი ვალდებულებების შესრულების შესაძლებლობას.

5.2. პრეტენდენტის მიერ წარდგენილი ფასწარმოქმნის ადეკვატურობის დასაბუთება დაზუსტებას არ ექვემდებარება.

6. დამატებითი ინფორმაცია:

6.1. დამატებითი ინფორმაცია შეგიძლიათ მიიღოთ შემდეგი საკონტაქტო პირისაგან:

სატენდერო კომისიის წევრი: ემა უზნაძე ტელ: 2 48 73 38; ელ-ფოსტა: e.uznadze@airports.ge

შესყიდვის ობიექტის ტექნიკური დავალება

შესყიდვის ობიექტს წარმოადგენს - ბარათის საბეჭდო პრინტერის რიზონები შემდეგი მახასიათებლებით:

დასახელება	მახასიათებლები	ზომის ერთეული	რაოდენობა
ფერადი საბეჭდო ლენტა (Color Ribbon) თავსებადი Datacard CD800 Simplex მოდელის პრინტერთან - მინიმუმ 500 ბარათის ბეჭდვის რესურსით	ცალმხრივი YMCKT, სრული ფერით ბეჭდვისთვის განკუთვნილი რიზონები; თითო რიზონი მინიმუმ 500 გვერდის ბეჭდვისთვის; 5 (ხუთი) პანელიანი (4 ფერი YMCKT დამატებითი დამცავი ფენით); კარტრიჯები დამზადებული უნდა იყოს ქარხნული წესით, უნდა იყოს ორგინალი.	ცალი	25

აუცილებელი მოთხოვნა ბეჭდვის ხარისხზე: მოხმარების სტანდარტულ პირობებში ბარათზე დატანილი გრაფიკული გამოსახულების (წარწერები, სურათი) მდგრადობა ლამინირების გარეშე მინიმუმ 1 (ერთი) წელი.

სახელმწიფო შესყიდვის შესახებ ხელშეკრულების პროექტი

ერთი მხრივ,

შპს „საქართველოს აეროპორტების გაერთიანება“ (ქ. თბილისი, სამგორის რაიონში, აეროპორტის დასახლება (აეროპორტი) ს.კ. №404 389 693) წარმოდგენილი მისი ----- სახით შემდგომში („შემსყიდველი“) და მეორე მხრივ,

----- (მისამართი: -----) წარმოდგენილი მისი დირექტორის ----- სახით შემდგომში („მიმწოდებელი“)

საქართველოს კანონის „სახელმწიფო შესყიდვების შესახებ“ და პრეტენდენტის სატენდერო წინადადების საფუძველზე, გამარტივებული ელექტრონული ტენდერის (სატენდერო განცხადების ნომერი: შ[]-----) ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულების საგანი

1.1. ხელშეკრულების საგანს წარმოადგენს შპს „საქართველოს აეროპორტების გაერთიანების“ საჭიროებისთვის ბარათის საბეჭდი პრინტერისთვის რიზონების შესყიდვა (CPV- 30237360).

2. ხელშეკრულების ფასი

2.1. ხელშეკრულების საერთო ღირებულება შეადგენს ----- ლარს.

2.2. საქონლის დასახელება, ტექნიკური მახასიათებლები, რაოდენობა და ერთეულის ფასი მითითებულია ფასების ცხრილში, რომელიც დაერთვის ხელშეკრულებას და წარმოადგენს მის განუყოფელ ნაწილს.

2.3. ხელშეკრულების საერთო ღირებულებაში შედის საქონლის შესყიდვასთან და მიწოდებასთან დაკავშირებული ყველა ხარჯი, ასევე საქართველოს კანონმდებლობით დადგენილი გადასახადები, რომელიც უნდა გადაიხადოს „მიმწოდებელმა“.

3. ხელშეკრულების განხორციელების ვადები და პირობები

3.1. საქონლის მიწოდება უნდა განხორციელდეს ხელშეკრულების გაფორმებიდან 10 (ათი) სამუშაო დღის განმავლობაში. მიწოდების ადგილი: თბილისი, სამგორის რაიონში აეროპორტის დასახლება „აეროპორტის ადმინისტრაციული შენობა“.

4. შესყიდვის ობიექტის მიღება-ჩაბარების წესი

4.1. შესყიდვის ობიექტის მიღება საქონლის მიწოდებისთანავე ფორმდება „მიღება-ჩაბარების“ აქტით. რის საფუძველზეც „მიმწოდებელი“ „შემსყიდველს“ წარუდგენს სასაქონლო ზედნადებს და საგადასახადო ანგარიშ-ფაქტურას.

5. ანგარიშსწორების პირობები

5.1. „მიმწოდებელთან“ ანგარიშსწორება ხორციელდება უნაღდო ანგარიშსწორებით ეროვნულ ვალუტაში.

5.2. ანგარიშსწორების საფუძველია მხარეების უფლებამოსილი პირების მიერ გაფორმებული „მიღება-ჩაბარების“ აქტი, სასაქონლო ზედნადები და საგადასახადო ანგარიშ-ფაქტურა.

5.3. „მიმწოდებელთან“ ანგარიშსწორება ხორციელდება მე-5 მუხლის 5.2. პუნქტში განსაზღვრული პირობის დასრულების შემდეგ 10 (ათი) სამუშაო დღის ვადაში.

5.4. „მიღება-ჩაბარების“ აქტის, სასაქონლო ზედნადებისა და საგადასახადო ანგარიშ-ფაქტურის წარმოდგენის გარეშე არ მოხდება თანხის გადახდა.

6. მხარეთა უფლებამოსილებანი

6.1 „მიმწოდებელი“ ვალდებულია:

6.1.1 მიაწოდოს შემსყიდველს ხარისხიანი საქონელი ხელშეკრულებით გათვალისწინებულ დროსა და ადგილას;

6.1.2 მიაწოდოს შემსყიდველს უფლებრივად და ნივთობრივად უნაკლო საქონელი, სატენდერო დოკუმენტაციით გათვალისწინებული პირობების შესაბამისად.

- 6.1.3 კეთილსინდისიერად შეასრულოს ნაკისრი ვალდებულება;
- 6.1.4 დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.
- 6.1.5 დაიცვას ხელშეკრულებით და სატენდერო დოკუმენტაციით გათვალისწინებული ყველა პირობა.
- 6.1.6 უზრუნველყოს შემსყიდველისთვის ხელშეკრულების საგანთან დაკავშირებული ყველა დოკუმენტაციის მიწოდება ასეთის არსებობის შემთხვევაში;
- 6.1.7 მიწოდებული საქონლის დადგენილ სტანდარტებთან და ხარისხთან შესაბამისობაზე პასუხისმგებლობა ეკისრება მიმწოდებელს.
- 6.1.8 მიმწოდებელი ვალდებულია მიწოდებულ საქონელზე გამოვლენილი ნაკლი აღმოფხვრას საკუთარი ხარჯებით.
- 6.1.9 მიმწოდებელს შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ აქვს უფლება გადასცეს მოცემული ხელშეკრულებით გათვალისწინებული თავისი უფლება-მოვალეობები მესამე პირს.
- 6.1.10 მიმწოდებელი ვალდებულია პირადად განახორციელოს ხელშეკრულებით ნაკისრი ვალდებულებები.
- 6.2 „შემსყიდველი“ ვალდებულია:**
- 6.2.1 უზრუნველყოს მიმწოდებლისათვის მიწოდებული საქონლის საფასურის გადახდა ხელშეკრულების შესაბამისად.
- 6.2.2 დროულად განიხილოს „მიმწოდებლის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.
- 6.3 „მიმწოდებელს“ უფლება აქვს:**
- 6.3.1 ხელშეკრულების ფარგლებში მოითხოვოს მიწოდებული საქონლის საფასური დროული და სრული ანაზღაურება.
- 6.4 „შემსყიდველს“ უფლება აქვს:**
- 6.4.1 აწარმოოს ხელშეკრულების პირობების შესრულების მონიტორინგი;
- 6.4.2 არ მიიღოს უხარისხო საქონელი მოითხოვოს ახლით შეცვლა ან ხარვეზის გამოსწორება;
- 6.4.3 მოითხოვოს მიმწოდებლის მიერ ნაკისრი ვალდებულებების ჯეროვნად შესრულება;
- 6.4.4 შეწყვიტოს ხელშეკრულება წინამდებარე ხელშეკრულებით განსაზღვრული პირობების შესაბამისად;

7. ხელშეკრულების პირობების გადასინჯვა

- 7.1 სახელმწიფო შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.
- 7.2 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.
- 7.3 ხელშეკრულებაში ცვლილების შეტანის ინიციატორმა მხარემ უნდა გაუგზავნოს მეორე მხარეს ცვლილების შესახებ წერილობითი შეტყობინება ცვლილების აუცილებლობის დეტალური დასაბუთებით, მათ შორის საქართველოს სამოქალაქო კოდექსის 398-ე მუხლით გათვალისწინებული გარემოებების არსებობის შესახებ.
- 7.4 ხელშეკრულებაში ნებისმიერი ცვლილება უნდა გაფორმდეს წერილობითი ფორმით.

8. ხელშეკრულების შესრულების შეფერხება

- 8.1. თუ ხელშეკრულების შესრულების პროცესში მხარე წააწყდება რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება და აღნიშნული შეფერხება არ არის გამოწვეული ფორს-მაჟორული გარემოებით, დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ.
- 8.2. პირობების შესრულების ვადის გაგრძელების ან შეფერხების სხვაგვარად აღმოფხვრის თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.
- 8.3. იმ შემთხვევაში, თუ ხელშეკრულების პირობების შესრულების შეფერხების გამო მხარეები ხუთი დღის ვადაში ვერ შეთანხმდებიან ხელშეკრულების პირობების შესრულების ვადის გაგრძელების ან

შეფერხების სხვაგვარად აღმოფხვრის თაობაზე ხუთი დღის გასვლისთანავე მიმწოდებელს ეკისრება ხელშეკრულების გათვალისწინებული პირგასამტეხლო.

9. ფორს-მაჟორი

9.1 მხარეები თავისუფლდებიან ვალდებულების დარღვევით გამოწვეული პასუხისმგებლობისაგან და ასეთი დარღვევა არ გამოიწვევს ხელშეკრულების შესრულების გარანტიის გამოყენებას ან დაუბრუნებლობას, თუ ხელშეკრულების შესრულების შეფერხება ან ვალდებულებების შეუსრულებლობა არის ფორს-მაჟორული გარემოების შედეგი.

9.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოებებია: მიწისძვრა; წყალდიდობა; ხანძარი; ქარიშხალი; დიდთოვლობა; ნისლი; ტემპერატურის მკვეთრი ცვლილებები; ცენტრალური ენერგო მომარაგების (ბუნებრივი აირი, ელექტროენერგია) და ცენტრალური წყალმომარაგების შეწყვეტა მხარისგან დამოუკიდებელი მიზეზით; სამხედრო მოქმედებები; ეპიდემიები; გაფიცვები; სამთავრობო ორგანოების გადაწყვეტილებები ან მათი არარსებობა; ბლოკადა; ემბარგო; საკანონმდებლო აქტებში ცვლილებები, რომლებიც უშუალოდ ახდენენ გავლენას მხარეთა მიერ ნაკისრი ვალდებულებების შესრულებაზე.

9.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობებისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებზეც გავლენას არ ახდენენ ფორს-მაჟორული გარემოებები.

9.4 თუ ფორს-მაჟორული გარემოება გაგრძელდა 10 (ათი) დღეზე მეტ ხანს შემსყიდველი უფლებამოსილია ცალმხრივად შეწყვიტოს ხელშეკრულება.

10. ხელშეკრულების პირობების შეუსრულებლობა

10.1 ფორს-მაჟორული პირობების გარდა, ხელშეკრულებით ნაკისრი ვალდებულებების შეუსრულებლობისათვის ან არაჯეროვნად შესრულების შემთხვევაში მიმწოდებელს ეკისრება პირგასამტეხლო ხელშეკრულების ღირებულების 0,1 %-ის ოდენობით ყოველი ვადაგადაცილებული დღისათვის.

10.2 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

10.3 პირგასამტეხლოს გარდა მხარეს უფლება აქვს მოითხოვოს მიყენებული ზიანის ანაზღაურება.

11. ხელშეკრულების შეწყვეტა

11.1 ხელშეკრულება შეიძლება შეწყვეტილ იქნეს:

11.1.1 ურთიერთვალდებულებების შესრულებით;

11.1.2 მხარეთა შეთანხმებით;

11.1.3 ცალმხრივად შემსყიდველის მიერ;

11.1.4 საქართველოს მოქმედი კანონმდებლობით გათვალისწინებულ სხვა შემთხვევებში.

11.2 ხელშეკრულება შემსყიდველის მიერ ცალმხრივად შეიძლება იქნას შეწყვეტილი თუ:

11.2.1 მიმწოდებელი არ ასრულებს ან არაჯეროვნად ასრულებს ხელშეკრულებით ნაკისრ ვალდებულებებს;

11.2.2 მიმწოდებელი სისტემატიურად და/ან უხეშად არღვევს ხელშეკრულების პირობებს;

11.2.3 შემსყიდველისათვის ცნობილი გახდა, რომ მისგან დამოუკიდებელი მიზეზების (იგულისხმება ფორს-მაჟორული გარემოების არსებობა) გამო მიმწოდებელი ვერ უზრუნველყოფს ხელშეკრულებით ნაკისრი ვალდებულებების ნაწილობრივ ან სრულად შესრულებას;

11.2.4 მიმწოდებლის მიმართ აღიმრა საქმე გადახდისუუნარობასთან დაკავშირებით;

11.2.5 საქართველოს კანონმდებლობით გათვალისწინებულია სხვა შემთხვევები.

12. ინსპექტირების პირობები

12.1. ხელშეკრულების შესრულების კონტროლს განახორციელებს შპს „საქართველოს აეროპორტების გაერთიანების“ ინფორმაციული ტექნოლოგიების მენეჯერი.

12.2. კოორდინატორის ფუნქციებია:

12.3. მხარეების მიერ ნაკისრი ვალდებულებების ხელშეკრულების მოთხოვნებთან შესაბამისობის დადგენის მიზნით, სათანადო კონტროლისა და ზედამხედველობის განხორციელება.

12.4. სახელმწიფო შესყიდვების შესახებ ხელშეკრულების პირობების შესაბამისად მიმწოდებელთან მიღება-ჩაბარების აქტის ხელმოწერა.

13. ხელშეკრულების ვადა

13.1. ეს ხელშეკრულება ძალაში შედის მხარეთა მიერ ხელმოწერის დღიდან და მოქმედებს მხარეთა მიერ ხელშეკრულებით გათვალისწინებული პირობებისა და ვალდებულებების სრულად და ჯეროვნად შესრულებამდე არაუგვიანეს -----.

14. დავების გადაწყვეტა

14.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

14.2. მხარეთა შორის წარმოქმნილი ყველა დავა გადაწყდება ურთიერთშეთანხმების გზით.

14.3. თუ შეთანხმება ვერ მოხერხდა, დავა გადაწყდება სასამართლოს გზით, მოქმედი კანონმდებლობით დადგენილი წესით, თბილისის საქალაქო სასამართლოში.

15. დასკვნითი დებულებები

15.1. თუ წინამდებარე ხელშეკრულების რომელიმე დებულება ბათილია, მიუხედავად ბათილობის საფუძვლისა, ეს არ გამოიწვევს მთელი ხელშეკრულების ბათილობას. ამ შემთხვევაში ხელშეკრულების დარჩენილი დებულებები მოქმედებს ბათილი დებულების გარეშე.

15.2. ხელშეკრულება შედგენილია 2 ეგზემპლარად ერთი შემსყიდველისთვის, ხოლო ერთი - მიმწოდებლისათვის. ყველა ეგზემპლარს აქვს თანაბარი იურიდიული ძალა.

15.3. ხელშეკრულების ერთვის დანართი №2 ფასების ცხრილი.

16. მხარეთა ხელმოწერები და რეკვიზიტები

შემსყიდველი:

მიმწოდებელი:

1. რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის კოდი:

ანგარიშსწორების ანგარიში:

(თანამდებობა, სახელი, გვარი)

(ხელმოწერა)

სატენდერო წინადადების ფასი, ფასების ცხრილი, მიწოდების ადგილი და ვადა

(შევსების თარიღი)

საქონელს გთავაზობთ

() ლარად დღგ-ს გარეშე.
(თანხა ციფრებით) (თანხა სიტყვიერად)

(პრეტენდენტის დასახელება)

საქონლის დასახელება	ტექნიკური მახასიათებლები, მწარმოებელი ქვეყანა, მწარმოებელი კომპანია და მოდელი	რაოდენობა	ერთეულის ფასი	საერთო ღირებულება

პრეტენდენტის ხელმოწერა _____